

quenter errat in cibô sapidissimô; E. sensus amari ex amarô
cibô non est sensus verus amari. Ita non procedit: Morsus
conscientiae in fallorum Deorum cultoribus fallit; Ergo fal-
lit etiam in illô, qui procul est ab illâ mentis ægritudine.
Magnum igitur discrimen inter Superstitiosos seu Gentiles
& inter Atheos intercedit. Athei nituntur & audent illum
morsum interni vermis inhibere, sufflaminare & è pectorc
expugnare, nec tamen, quicquid vox exterior sonet, quic-
quid malitia interior moliatur, possunt. Superstitiosi tamen
debitâ diligentia adhibitâ omnem illam functionem ex ani-
mô extirpare queunt. Hinc factum est, ut multi è Gentilismô
ad veram religionem, Christianismū scilicet, conversi, mor-
sum illum conscientiae actu deposuerint.

§. 9. Tertiâ existentiam Dei probat universalis & perpe-
tuus omnium populorum consensus: *Nulla enim gens tam*
est barbara, tam effera, que non cognoscat esse Deum, inquit Cí-
cero l. i. de natur. Deor. Arist. l. i. de cœlô: πάντες γὰρ αὐ-
τοὶ ποιοῦσι Θεῶν ἔχειν τὸν πόλεμον. Et Seneca Epist. II. 7.
Nulla gens adeò extra leges moresque est projecta, ut non aliquos
Deos credat. Scilicet sensus divinitatis naturaliter omnibus
insitus tam efficax fuit in Gentilibus, ut quidvis potius etiam
infra hominis naturam positum, *Deum esse*, quam nullum es-
se Deum, statuerint: Hinc Philippus Mornæus librô de Verit.
Relig. Christianæ recte dixit: Omnes gentes Deum didice-
runt, et si diversa de eō conceperint: percurre enim orbem
ab ortu ad occasum, à Septentrionibus ad Austrum: perlustra-
mente quotquot accesserunt secula; quotquot viguerunt
regna, ipsa demum scrutare barbarorum sive lustra, sive ma-
palia; ubique homines inveneris, ibi continuo religio-
nis & Numinis cultum, ibi Sacrorum ritus, preces denique
& sacrificia reperies, diversa quidem hæc & confusa, at in eō
saltem congruentia, quod Deus sit. Hæc Mornæus. Quòd facit,
B quòd